

Beri laluan projek MRT

Dewan Bandaran Kajang akan dipindahkan ke lokasi baru

**TUAN NURSUHAILA
RAJA MUHAMMAD**

KAJANG - Dewan Bandaran Kajang akan dipindahkan ke lokasi baru berikutan tapak bangunan itu akan menjadi lokasi stesen aliran transit masa (MRT) di daerah ini.

Yang Dipertua Majlis Perbandaran Kajang (MPKJ), Datuk Hasan Nawawi Abd Rahman berkata, proses merobohkan bangunan itu akan bermula pada Februari 2013.

Menurutnya, pihaknya akan membekukan semua tempahan dan penggunaan dewan berkenaan sehingga pada suatu masa dimaklumkan nanti.

Mengulas mengenai penutupan Menara Tinjau Ampang, Hasan Nawawi berkata, pihaknya menerima

arahan Kerajaan Negeri berhubung penutupan bangunan berkenaan.

"Penutupan menara tiada kena mengena dengan MPKJ kerana pihak kami menerima arahan Kerajaan Negeri.

"Pemilik sebenar adalah Unit Perancang Ekonomi Negeri (Upen) yang diserahkan kepada swasta untuk menguruskan tempat tersebut.

"Malah tanah pusat tersebut juga milik adalah Jabatan Perhutanan," katanya kepada *Sinar Harian* selepas perasmian Majlis Dialog Bajet Tahun 2013 oleh Pengerusi Jawatankuasa Tetap Kerajaan Tempatan, Kajian dan Penyelidikan negeri, Ronnie Liu Tian Khiew di MPKJ, baru-baru ini.

Sebelum ini *Sinar Harian* melaporkan sembilan peniaga



HASAN NAWAWI

di Menara Tinjau Ampang mendakwa teraniaya apabila terpaksa memberhentikan operasi selepas MPKJ bertindak menutup kawasan itu sejak 17 Januari lalu.

Sementara itu, Ronnie Liu berkata, Kajang bandar bertuah apabila terpilih bagi pembinaan stesen transit aliran massa (MRT) bagi laluan Sungai Buloh ke Kajang.



RONNIE

Menurutnya, pembinaan kelak bakal melibatkan pengambilalihan tapak bangunan Dewan Bandaran Majlis Perbandaran Kajang (MPKJ).

"Namun, Kerajaan Negeri masih lagi dalam rundingan dengan MRT laluan lokasi laluan Sungai Buloh ke Kajang tersebut kelak bakal melibatkan Jalan Sultan, Kajang atau tidak.



Laporan Sinar Harian 6 Julai lalu.

"Jalan Sultan terkenal sebagai tempat warisan dan kita berhasrat mengekalkannya

dan sekiranya laluan itu tidak mengganggu Jalan Sultan, kita akan beri kelulusan," katanya.